


**REUNIÓN DA COMISIÓN ESPECIAL DE
ESTUDO E ANÁLISE DAS REFORMAS
DA POLÍTICA FORESTAL, DE
PREVENCIÓN E EXTINCIÓN DE
INCENDIOS FORESTAIS E DO PLAN
FORESTAL DE GALICIA, AVALIANDO A
EXPERIENCIA ACUMULADA DENDE
2006 E, ESPECIFICAMENTE, A
EXTRAORDINARIA VAGA DE LUMES
QUE VEN DE SUFRIR GALICIA EN
OUTUBRO DE 2017**

Día: 13.12.2017

Hora: 16:00



A Comisión especial de estudo e análise das reformas da política forestal, de prevención e extinción de incendios forestais e do Plan Forestal de Galicia, avaliando a experiencia acumulada dende 2006 e, especificamente, a extraordinaria vaga de lumes que ven de sufrir Galicia en outubro de 2017, da que vostede forma parte, reunirase o próximo día 13 de decembro de 2017, ás 16:00 horas, no pazo do Parlamento.

A orde do día é a seguinte :

- Punto 1. Aprobación das Normas de funcionamento da Comisión especial non permanente de estudo e análise das reformas da política forestal, de prevención e extinción de incendios forestais e do plan forestal de Galicia, avaliando a experiencia acumulada dende 2006 e, especificamente, a extraordinaria vaga de lumes que ven de sufrir Galicia en outubro de 2017.
- Punto 2. Delegación na Mesa da Comisión das facultades previstas nos artigos 44.1 e 143.1 do Regulamento do Parlamento de Galicia.
- Punto 3. Fixación do prazo para a presentación polos grupos parlamentarios de propostas relativas ao plan de traballo.

O que lle comunico para o seu coñecemento e a súa convocatoria á devandita reunión.

Santiago de Compostela, 11 de decembro de 2017

Raquel Arias Rodríguez
Presidenta da Comisión

Asinado dixitalmente por:

Raquel Arias Rodríguez na data 11/12/2017 13:54:43

**RELACIÓN DE MEMBROS DE
COMISIÓN ESPECIAL DE ESTUDO E ANÁLISE
DAS REFORMAS DA POLÍTICA FORESTAL, DE
PREVENCIÓN E EXTINCIÓN DE INCENDIOS
FORESTAIS E DO PLAN FORESTAL DE GALICIA,
AVALIANDO A EXPERIENCIA ACUMULADA
DENDE 2006 E, ESPECIFICAMENTE, A
EXTRAORDINARIA VAGA DE LUMES QUE VEN
DE SUFRIR GALICIA EN OUTUBRO DE 2017
POR ORDE ALFABÉTICA**

Mesa

Presidenta	
Raquel Arias Rodríguez	P
Vicepresidente	
José Alberto Pazos Couñago	P
Secretario	
José Antonio Quiroga Díaz	S

Vogais

Silvestre José Balseiros Guinarte	P
Moisés Blanco Paradelo	P
Xoaquín María Fernández Leiceaga	S
José González Vázquez	P
Paula Quinteiro Araújo	EM
José Luis Rivas Cruz	BNG
David Rodríguez Estévez	EM
Gonzalo Trenor López	P
Daniel Vega Pérez	P

Reunión da Comisión especial de estudo e análise das reformas da política forestal, de prevención e extinción de incendios forestais e do Plan Forestal de Galicia, avaliando a experiencia acumulada dende 2006 e, especificamente, a extraordinaria vaga de lumes que ven de sufrir Galicia en outubro de 2017

Día: 13.12.2017

Hora: 16:00

Orde do día

1. Aprobación das Normas de funcionamento da Comisión especial non permanente de estudo e análise das reformas da política forestal, de prevención e extinción de incendios forestais e do plan forestal de Galicia, avaliando a experiencia acumulada dende 2006 e, especificamente, a extraordinaria vaga de lumes que ven de sufrir Galicia en outubro de 2017.

PROXECTO DE NORMAS DE FUNCIONAMENTO DA COMISIÓN ESPECIAL NON PERMANENTE DE ESTUDO E ANÁLISE DAS REFORMAS DA POLÍTICA FORESTAL, DE PREVENCIÓN E EXTINCIÓN DE INCENDIOS FORESTAIS E DO PLAN FORESTAL DE GALICIA, AVALIANDO A EXPERIENCIA ACUMULADA DENDE 2006 E, ESPECIFICAMENTE, A EXTRAORDINARIA VAGA DE LUMES QUE VEN DE SUFRIR GALICIA EN OUTUBRO DE 2017

(Elaboradas pola Mesa da Comisión o 11 de decembro de 2017)

I. Obxecto e duración

Artigo 1

A Comisión créase co obxecto de estudar e analizar as posibles reformas da política forestal, da política de prevención e extinción de incendios forestais e do plan forestal de Galicia, avaliando a experiencia acumulada desde 2006 e, especificamente, a extraordinaria vaga de lumes que de sufrir Galicia en outubro de 2017.

Artigo 2

A Comisión créase para a concreta función de estudo prevista no artigo 1 e extinguirase ao remate do labor encomendado e, en todo caso, ao concluír a lexislatura.

II. Organización

Artigo 3

A Mesa é o órgano de goberno da Comisión e terá as seguintes atribucións:

- a) Recompilar a información e documentación necesaria para realizar a tarefa encomendada.
- b) Organizar as actividades que se consideren necesarias para dotar a Comisión de toda a información que sexa de interese para a elaboración do ditame.
- c) Preparar os documentos que deban ser sometidos á deliberación da Comisión.
- d) Proporlle á Comisión un plan de traballo, escoitadas as persoas portavoces dos grupos parlamentarios presentes na Comisión e unha vez remitidas por aquelas as correspondentes propostas de plan de traballo.
- e) Executar os acordos tomados pola Comisión.
- f) Aquelas que en calquera momento lle asigne a Comisión.

III. Funcionamento

Artigo 4

A Comisión será convocada pola súa Presidencia, de acordo coa Presidencia do Parlamento, por iniciativa propia, a petición de dous grupos parlamentarios ou de tres das deputadas e dos deputados da Comisión especial non permanente de estudo e análise das reformas da política forestal, de prevención e extinción de incendios forestais e do plan forestal de Galicia, avaliando a experiencia acumulada dende 2006 e, especificamente, a extraordinaria vaga de lumes que ven de sufrir Galicia en outubro de 2017.

Artigo 5

1. A Comisión e a súa Mesa entenderanse validamente constituídas cando asistan a metade máis un das deputadas e dos deputados pertencentes a estes órganos.
2. Os acordos adoptaranse por maioría simple dos membros presentes.

IV. Medios de acción

Artigo 6

A Comisión poderá exercer as facultades previstas no artigo 44.1 do Regulamento da Cámara. Estas facultades, atribuídas á Comisión no seu conxunto, poderán delegarse na súa Mesa, ao abeiro do disposto na resolución da Mesa do Parlamento do 11 de abril de 1986.

Artigo 7

A Comisión aprobará un plan de traballo, logo do debate sobre as propostas dos diferentes portavoces, e nel figurará o calendario xeral de actividades para a Comisión, así como os prazos para o cumprimento dos obxectivos fixados.

V. Ditame

Artigo 8

A Comisión aprobará un proxecto de ditame que conterá as conclusións ás que chegue.

Artigo 9

A Comisión designará unha ponencia, que elaborará o proxecto de ditame. O proxecto elevaráselle á Comisión para o seu debate e, se é o caso, a súa aprobación.

Artigo 10

Redactado o proxecto, a Presidencia da Comisión remitirállelo ás deputadas e aos deputados desta no prazo previsto no calendario de actividades.

Artigo 11

As deputadas e os deputados da Comisión poderán presentar emendas ao proxecto de ditame dentro dos dez días hábiles seguintes á súa remisión.

Artigo 12

O proxecto do ditame coas emendas presentadas será obxecto de debate no seo da Comisión, para a súa aprobación definitiva por aquela.

Artigo 13

Os grupos parlamentarios e as deputadas e os deputados da Comisión poderán formular votos particulares ao ditame cando discrepen do seu contido. Os votos particulares deberán presentarse á Mesa da Comisión dentro dos cinco días hábiles seguintes á finalización do ditame.

Artigo 14

1. O ditame, cos votos particulares que houber, será remitido á Mesa do Parlamento, nos cinco días hábiles seguintes á súa terminación, para os efectos da súa tramitación e aprobación no Pleno, se for procedente.
2. O ditame, cos votos particulares que houber, será publicado no *Boletín Oficial do Parlamento de Galicia*. “

Disposición derradeira única

En todo o non previsto nestas normas aplicarase supletoriamente o Regulamento do Parlamento de Galicia.

Reunión da Comisión especial de estudo e análise das reformas da política forestal, de prevención e extinción de incendios forestais e do Plan Forestal de Galicia, avaliando a experiencia acumulada dende 2006 e, especificamente, a extraordinaria vaga de lumes que ven de sufrir Galicia en outubro de 2017

Día: 13.12.2017

Hora: 16:00

Orde do día

2. Delegación na Mesa da Comisión das facultades previstas nos artigos 44.1 e 143.1 do Regulamento do Parlamento de Galicia.

Reunión da Comisión especial de estudo e análise das reformas da política forestal, de prevención e extinción de incendios forestais e do Plan Forestal de Galicia, avaliando a experiencia acumulada dende 2006 e, especificamente, a extraordinaria vaga de lumes que ven de sufrir Galicia en outubro de 2017

Día: 13.12.2017

Hora: 16:00

Orde do día

3. Fixación do prazo para a presentación polos grupos parlamentarios de propostas relativas ao plan de traballo.